

DATA	21/06/10
Nº	1095



1024 RBF/mcmm

RESOLUCIÓN

Unha vez que se examinou o expediente tramitado para a contratación do servizo incluído no *Fondo Estatal para el Empleo y la Sostenibilidad Local* denominado “Implantación de la tramitación electrónica no Concello de Culleredo”, a adxudicar mediante procedemento aberto con multiplicidade de criterios de valoración.

ANTECEDENTES

1. O 20 de abril de 2010, mediante a resolución nº 774, da concelleira delegada de Economía, Facenda, Réxime Interior e Seguridade, apróbase o expediente de contratación mediante procedemento aberto con multiplicidade de criterios de valoración do servizo denominado “Implantación de la tramitación electrónica no Concello de Culleredo”.
2. Para tal efecto publicanse anuncios no diario La Voz de Galicia en data 25 de abril, no BOP de A Coruña nº 77 de 27 de abril de 2010 e no perfil de contratante nos que se solicitan ofertas de empresas capacitadas para a súa realización.
3. A Mesa xeral de Contratación, en sesión celebrada o día 21 de maio de 2010, analiza a documentación administrativa, e acorda admitir as ofertas que corresponden ás empresas:

Empresa
ABS INFORMATICA, S.L.
GADD, GRUPO MEANA, S.A.
INDENOVA, S.L.

E rexeitar a oferta presentada por EL CORTE INGLES INFORMATICA, S.A., por non acreditar o requirido na cláusula 7.1 do PCAP (executar ó menos un contrato de características semellantes a este nun Concello de poboación igual ou superior nos últimos tres anos, nunha Deputación provincial, o nunha Comunidade Autónoma), mediante certificado expedido ou visado por órgano competente, tal e como se establece na cláusula 12 do PCAP.

A continuación procedeuse á apertura das ofertas técnicas que se presentaron, acordando remitilas a Técnica de xestión informática que deberá emitir un informe técnico debidamente motivado respecto dos factores de adxudicación, agás os criterios cuantificábeis de xeito automático (oferta económica, oferta de mantemento, solicitudes e procedementos a implantar e de volume de persoal a ocupar).

4. Unha vez que se viu o informe que se emitiu, a Mesa xeral de Contratación, en sesión celebrada o 14 de xuño, procede á apertura das ofertas económicas, oferta de mantemento, solicitudes e procedementos a implantar e de volume de man de obra a ocupar coa realización do servizo. Non se abriu a oferta presentada por INDENOVA, S.L. ao non superar a puntuación mínima establecida na cláusula 14.1 do PCAP para

DATA	21/06/10
Nº	1095



continuar no procedemento. Logo de analizar as ofertas a Mesa de Contratación acorda outorgar as seguintes puntuacións:

Empresa	Puntuación fase I	Proposta económica	Oferta de mantemento		Solicitudes e procedementos a implantar		Volume persoal a ocupar	punt fase II	punt total
			garantía adicional	Importe anual mantemento	solicitudes on-line	procedementos administrativos a implantar no motor de tramitación			
ABS Informática SL (Absis)	35,74	0,16	0	0	10	10,00	7	27,16	62,9
Grupo Meana SA (Gaad)	36,39	7,7	1	5	5,5	6,25	10	35,45	71,84

En base aos criterios que establecen os pregos de condicións administrativas particulares de aplicación determinase a oferta máis vantaxosa para esta administración, e a Mesa de Contratación presenta proposta de adxudicación a favor de GRUPO MEANA, S.A. (GAAD).

CONSIDERACIÓNS XURÍDICAS

1. O artigo 144 da Lei 30/2007, pola que se aproba a Lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, á vista da proposta da Mesa de Contratación, unha vez que se ponderen os criterios de selección que establece o PCAP.
2. O artigo 135 LCSP establece que o órgano de Contratación acordará a adxudicación provisional en resolución motivada.
3. O expediente foi declarado de tramitación urxente ao abeiro do disposto no artigo 17.2 do Real-decreto lei 13/2009.

En base a todo o que

RESOLVO:

PRIMEIRO.- Declarar a validez do acto celebrado

SEGUNDO.- Rexeitar a oferta presentada por EL CORTE INGLES INFORMATICA, S.A., por non acreditar a capacidade para contratar esixida no parágrafo dous da cláusula 7.1 do PCAP.

TERCEIRO.- Adxudicar de forma provisional o servizo de “Implantación da tramitación electrónica no Concello de Culleredo” a GRUPO MEANA, S.A., por ser a que presenta unha mellor oferta considerando os criterios de adxudicación que se establecen, fixando o prezo en 182.072,37€, IVE engadido (156.958,94 euros máis o 16% de IVE 25.113,43 €), o período de garantía en catro anos (4), o importe do mantemento anual

DATA	21/06/10
Nº	1095



en 9.860€ IVE incluído (8.500€ máis o 16% de IVE) e as solicitudes e procedementos a implantar en 90 (60 solicitudes on-line a implantar previamente á consecución do primeiro hito e 30 procedementos administrativos a implantar no motor de tramitación). O número de persoas a ocupar será de 12 (en equivalente a tempo completo, 7), das que 1 será de nova contratación e 11 xa están integradas na empresa.

CUARTO .- Requerir ao adxudicatario provisional para que, durante o prazo de **10 días hábiles** contados desde o seguinte a aquel en que a adxudicación provisional se publique no perfil de contratante do órgano de contratación, presente a seguinte documentación:

a) Documentación xustificativa de estar ao corrente no cumprimento das súas obrigas tributarias e coa Seguridade Social. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Xustificante de estar dado de alta no Imposto sobre Actividades Económicas e ao corrente no pagamento do mesmo, achegando para o efecto copia da carta de pagamento do último exercicio, á que se acompañará unha declaración responsable de non estar dado de baixa na matrícula do citado imposto. No caso de estar exento deste imposto presentarán declaración xustificativa ao respecto.

c) Documento acreditativo de ter constituído a garantía definitiva por importe do 5% do importe de adxudicación, excluído o Imposto sobre o Valor Engadido, por calquera dos medios a que se refire o art. 84 da LCSP.

QUINTO.- Comunicar ao adxudicatario provisional que, en cumprimento da cláusula 16 do prego de cláusulas administrativas particulares, antes da formalización do contrato deberá aboar en concepto de anuncios de licitación as seguintes cantidades:

BOP nº 77 de 27/04/2010 : 135,40 €

La Voz de Galicia, 25/04/2010 : 830,56 €

SEXTO.- Comunicar ao adxudicatario provisional que, unha vez que transcorra o prazo que se establece no parágrafo segundo, se non se procedese á adxudicación definitiva do contrato a quen resultara adxudicataria provisional por non cumprir as condicións necesarias para isto, a Corporación procederá a efectuar unha nova adxudicación provisional ás interesadas seguintes a aquela, por orde de clasificación das súas ofertas na valoración, sempre que isto fose posible.

SEPTIMO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposta e das características da proposta do adxudicatario que foron determinantes na adxudicación ao seu favor.

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso-Administrativo da Coruña que corresponda, no prazo de

DATA	21/06/10
Nº	1095



dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxese o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 17 de xuño de 2010
A proposta de
O xefe de servizo de economía e facenda

Intervido e conforme,
O interventor xeral en funcións

Roberto Babío Fernández

Roberto Babío Fernández

Conforme coa proposta, elévase a resolución
Culleredo,
A concelleira delegada de economía, facenda,
réxime interior e seguridade

Dou fe,
A secretaria xeral

Alicia Ferreiro Varela
(Resolución nº 1210/07 de data 2 de xullo de 2007; BOP
nº176 , de 1/8/2007)

Pilar M^a Pastor Novo